

CYNGOR SIR

DYDD MERCHER, 21 MEHEFIN 2023

PRESENNOL Cynghorydd B.A.L. Roberts (Cadeirydd)

Cynghorwyr (Yn y Siambr):

S.M. Allen	K.V. Broom	P. Cooper	C.A. Davies
B. Davies	G. Davies	H.L. Davies	K. Davies
L. Davies	T. Davies	L.D. Evans	S. Godfrey-Coles
J.K. Howell	P. Hughes-Griffiths	J.D. James	M. James
G.H. John	G.R. Jones	H. Jones	A. Lenny
M.J.A. Lewis	A. Leyshon	K. Madge	M. Palfreman
D. Price	E. Rees	E.M.J.G. Schiavone	E. Skinner
R. Sparks	D. Thomas	E.G. Thomas	G.B. Thomas
M. Thomas	J. Tremlett	A. Vaughan Owen	

Cynghorwyr (Yn rhithwir):

L.R. Bowen	J.M. Charles	M.D. Cranham	D.M. Cundy
S.A. Curry	A. Davies	T.A.J. Davies	C. Davies
S.L. Davies	M. Donoghue	A. Evans	D.C. Evans
H.A.L. Evans	N. Evans	R.E. Evans	W.T. Evans
A.D. Harries	J.P. Hart	T.M. Higgins	P.M. Hughes
R. James	J.P. Jenkins	B.W. Jones	D. Jones
A.G. Morgan	D. Nicholas	B.D.J. Phillips	S.L. Rees
J. Seward	H.B. Shepardson	F. Walters	P.T. Warlow
D.E. Williams	J. Williams		

Hefyd yn bresennol (Yn y Siambr):

W. Walters, Prif Weithredwr
C. Moore, Cyfarwyddwr Gwasanaethau Corfforaethol
J. Morgan, Cyfarwyddwr y Gwasanaethau Cymunedau
G. Morgans, Cyfarwyddwr Gwasanaethau Addysg a Phlant
A. Williams, Pennaeth y Gwasanaethau Amgylcheddol a Gwastraff
P.R. Thomas, Prif Weithredwr Cynorthwyol (Rheoli Pobl a Pherfformiad)
L.R. Jones, Pennaeth Gweinyddiaeth a'r Gyfraith
G. Morgan, Pennaeth Gwasanaethau Democraidaidd
C. Higginson, Rheolwr Cyfryngau
L. Jenkins, Swyddog Cymorth y Cabinet
S. Rees, Cyfieithydd Ar Y Pryd
A. Edwards, Electoral & Civil Registration Services Manager
M. Runeckles, Swyddog Cefnogi Aeolodau
K. Thomas, Swyddog Gwasanaethau Democraidaidd

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

Hefyd yn bresennol (Yn rhithwyr):
I.R. Llewelyn, Rheolwr Blaen-gynllunio
S. Hendy, Swyddog Cefnogi Aelodau
R. Morris, Swyddog Cefnogi Aelodau

Siambr - Neuadd y Sir, Caerfyrddin. SA31 1JP ac o bell - 10.00 - 11.40 yb

1. YMDDIHEURIADAU AM ABSENOLDEB

Derbyniwyd ymddiheuriadau am absenoldeb gan y Cynghorwyr A. Davies, Ll.M. Davies, C.A. Jones, N. Lewis a D. Owen.

2. DATGANIADAU O FUDDIANNAU PERSONOL.

Y Cynghorydd	Rhif y Cofnod	Y Math o Fuddiant
S. Davies	10.1 Cwestiwn gan Charlie Evans i'r Cynghorydd Edward Thomas, yr Aelod Cabinet dros Wasanaethau Trafnidiaeth, Gwastraff a Seilwaith	Yn gwethio i Dolen Teifi, caniatwyd gollyngiad i siarad ond nid pleidleisio

3. CYHOEDDIADAU'R CADEIRYDD.

- Dywedodd y Cadeirydd ei bod hi, a'i chydymaith wedi mynychu nifer o ddigwyddiadau gan gynnwys cynyrchiadau theatr amatur, seremonïau urddo'r maer yng Nghaerfyrddin a Phorth Tywyn a hefyd Eisteddfod Genedlaethol yr Urdd a gynhaliwyd yn Llanymddyfri.
- Cyfeiriodd y Cynghorydd H. Davies at Eisteddfod yr Urdd a gynhaliwyd yn Llanymddyfri yn ddiweddar ac mynegodd ei werthfawrogiad i bawb a fu'n rhan o redeg a chefnogi'r digwyddiad.
- Roedd y Cynghorydd D. Thomas wedi llongyfarch Ffion Davies o Benygroes ar gael ei dewis i gynrychioli Cymru fel aelod o'r tîm rygbi saith bob ochr dan 18 oed.
- Cyfeiriodd y Cynghorydd A. Vaughan Owen at y ffaith y bu yn Sinema Cross Hands i weld cynhyrchiad o "Fashion Re-imagined" a hyrwyddwyd gan Bwyllgor Newid Hinsawdd cangen Pump-hewl o Sefydliad y Merched a oedd yn tynnu sylw at effaith y diwydiant ffasiwn ar newid hinsawdd a'r defnydd o adnoddau ac i groesawu'r cysyniad o economi gylchol.
- Mynegodd y Cynghorydd L. Bowen ei longyfarchiadau i Jonny Clayton o Bontyberem ar ennill Cwpan Dartiau'r Byd am yr 2^{il} waith mewn tair blynedd gyda'i bartner Gerwyn Price.

4. CYHOEDDIADAU GAN YR ARWEINYDD, AELODAU'R CABINET NEU'R PRIF WEITHREDWR (OS OES RHAI)

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

Rhoddodd Arweinydd y Cyngor y wybodaeth ddiweddaraf i'r Cyngor am y sefyllfa bresennol ynghylch penderfyniad y Swyddfa Gartref i ddefnyddio Gwesty Parc y Strade yn y Ffwrnes ar gyrion Llanelli i ddarparu llety ar gyfer ceiswyr lloches. Dywedodd fod diweddariad llafar wedi'i dderbyn y diwrnod cynt yn nodi y byddai hyd at 241 o unigolion yn cyrraedd mewn grwpiau o 50 o bobl o'r 10^{fed} o Orffennaf ymlaen a'u osod mewn 77 ystafell yn y gwesty. Rhoddodd wybodaeth i'r Cyngor am y sylwadau/pryderon a wnaed gan y Cyngor, a'i bartneriaid, i'r Swyddfa Gartref yn erbyn y cynnig annoeth hwn gan ddangos amharch llwyr yn ogystal â diffyg ymgynghori a chyfathrebu. Roedd y Cyngor wedi cymryd cyngor cyfreithiol a chynghor chynllunio ynghylch y cynnig ac roedd yn parhau i edrych ar yr holl opsiynau posibl gyda'r bwriad o atal llety i geiswyr lloches yn y gwesty. Cadarnhaodd pan fyddai ganddo ragor o wybodaeth y gallai rannu yn gyhoeddus, byddai'n rhannu'r wybodaeth honno gydag aelodau'r Cyngor

Cafodd y Cynghorydd M. Palfreman, fel aelod lleol, gyfle i ymateb i gyhoeddiad yr Arweinwyr a mynegodd ei werthfawrogiad a'i gefnogaeth barhaus i ymdrechion y cyngor wrth gyflwyno achos cadarn i Lywodraeth y DU yn erbyn y cynnig.

Rhoddodd yr Aelod Cabinet dros Addysg a'r Gymraeg ddiweddariad i'r Cyngor ar yr Eisteddfod a gynhaliwyd yn ddiweddar yn Llanymddyfri ac estynnodd ei ddiolch a'i werthfawrogiad i bawb a fu'n rhan o'r gwaith o sicrhau llwyddiant yr Eisteddfod. Rhoddodd hefyd ganmoliaeth i'r ysgolion a'r plant o Sir Gaerfyrddin a fu'n cymryd rhan yn yr eisteddfod gyda 90% o ysgolion cynradd a 100% o ysgolion uwchradd y sir yn cael eu cynrychioli.

5. LLOFNODI YN GOFNOD CYWIR COFNODION CYFARFOD Y CYNGOR A GYNHALIWDYD AR:

5.1. 10FED MAI 2023

PENDERFYNWYD Ilofnodi bod cofnodion cyfarfod y Cyngor a gynhaliwyd ar 10 Mai 2023 yn gofnod cywir.

5.2. 24AIN MAI 2023

Tynnwyd sylw'r Cyngor at gofnod rhif 9 yn ymwneud â phenodi Cadeiryddion ac Is-gadeiryddion Pwyllgorau / Paneli a nodwyd bod y cyfeiriad at y Cynghorydd L. Davies yn cael ei benodi'n Is-gadeirydd y Pwyllgor Apeliadau yn anghywir a dylai yn hytrach nodi y Cynghorydd L.M. Davies.

PENDERFYNWYD YN UNFRYDOL Ilofnodi cofnodion cyfarfod y Cyngor a gynhaliwyd ar 24 Mai 2023 yn gofnod cywir yn amodol ar newid yr uchod.

6. ARGYMHELLION DRAFFT - ADOLYGIAD CYMUNEDOL YN SIR GAERFYRDDIN

Atgoffwyd y Cyngor, yn ei gyfarfod a gynhaliwyd ar 9 Chwefror 2023 ei fod, o dan ddarpariaethau Deddf Llywodraeth Leol (Democratiaeth)(Cymru) 2014, wedi cymeradwyo cychwyn Adolygiad Cymunedol i archwilio trefniadau Llywodraethu presennol Cynghorau Tref a Chymuned yn Sir Gaerfyrddin ac i wneud

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

argymhellion terfynol ar gyfer unrhyw newidiadau priodol. Yn unol â'r penderfyniad hwnnw, cynhaliwyd ymgynghoriad ffurfiol rhwng 13 Mawrth a 24 Ebrill ac roedd y canlyniadau fel y manylwyd yn Atodiad A i'r adroddiad, yn crynhoi'r ymatebion a'r cynigion ar gyfer yr argymhellion drafft a dderbyniwyd ynghyd â'r argymhellion a gyflwynwyd gan y Swyddog Cofrestru Etholiadol/Swyddog Canlyniadau.

Dywedwyd wrth y Cyngor, yn amodol ar dderbyn argymhellion yr adroddiad, y byddai angen cynnal ail gyfnod ymgynghori gyda'r canlyniad i'w ailgyflwyno i'r Cyngor yn ei gyfarfod ym mis Hydref i benderfynu ar ei argymhellion terfynol.

PENDERFYNWYD:

- 6.1 bod y cynigion a nodir yn Atodiad A i'r adroddiad yn cael eu mabwysiadu gan y Cyngor fel Argymhellion Drafft at ddibenion yr Adolygiad Cymunedol.**
- 6.2 bod yr Argymhellion Drafft yn cael eu cyhoeddi at ddibenion ymgynghori o ddydd Llun 26 Mehefin hyd at ddydd Llun 7 Awst 2023**
- 6.3 Bod canlyniadau'r ymgynghoriad yn cael eu hadrodd i'r Cyngor ar 11 Hydref 2023.**

7. YSTYRIED ARGYMHELLION Y CABINET O RAN Y MATERION CANLYNOL:-

7.1. POLISI ENWI STRYDOEDD A RHIFO EIDDO

Rhoddwyd gwybod i'r Cyngor fod y Cabinet yn ei gyfarfod a gynhaliwyd ar 22 Mai 2023 (Cofnod 7) wedi ystyried adroddiad ar fabwysiadu Polisi Enwi Strydoedd a Rhifo Eiddo ar gyfer Sir Gaerfyrddin, yn dilyn ymgynghoriad ar y polisi drafft a ystyriwyd gan y Cyngor ar 28 Medi 2022 (Cofnod 9.1). Nodwyd bod chwe ymateb wedi dod i law i'r ymgynghoriad, fel y manylwyd yn yr atodiad i'r adroddiad, ac nid oedd yr un ohonynt, yn golygu gwelliant penodol i'r polisi drafft.

Dywedodd yr Aelod Cabinet mewn ymateb i sylwadau, ei bod yn croesawu unrhyw enghreifftiau gan aelodau o unrhyw faterion neu anghysondebau ar enwi strydoedd / rhifo eiddo yn eu wardiau y byddai angen eu hystyried a'u trin o dan y polisi newydd.

PENDERFYNWYD mabwysiadu'r argymhellion canlynol gan y Cabinet:-

“bod y Polisi Enwi Strydoedd a Rhifo Drafft yn cael ei fabwysiadu”.

8. DERBYN ADRODDIAD CYFARFOD Y CABINET A GYNHALIWDYD AR Y

8.1. 24AIN EBRILL 2023

PENDERFYNWYD derbyn adroddiad cyfarfod y Cabinet a gynhaliwyd ar 24 Ebrill 2023.

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

8.2. 22AIN MAI 2023

PENDERFYNWYD derbyn adroddiad cyfarfod y Cabinet a gynhaliwyd ar 22 Mai, 2023.

9. YSTYRIED Y RHYBUDDION O GYNNIG CANLYNOL:-

9.1. RHYBUDD O GYNNIG A GYFLWYNWYD GAN Y CYNGHORWYR ALUN LENNY AC EDWARD THOMAS

Bu'r Cyngor yn ystyried y Rhybudd o Gynnig canlynol a gyflwynwyd gan y Cyngorwyr Alun Lenny ac Edward Thomas-

"Mae Cyngor Sir Caerfyrddin yn datgan bod cyflwr dirywiol llawer o ffyrdd yn ein sir yn rhan o broblem aciwt ledled y DU a achosir gan dangyllido awdurdodau lleol yn y tymor hir gan lywodraethau Ceidwadol olynol y DU ers 2010.

Mae'r Cyngor yn nodi bod y £200m ychwanegol a ddyrannwyd yn ddiweddar gan San Steffan tuag at y 'gronfa dyllau' yn ffraciwn o'r amcangyfrif o £14b sydd ei angen i fynd i'r afael â'r ôl-groniad o waith atgyweirio ffyrdd lleol yng Nghymru a Lloegr.

Mae'r Cyngor hefyd yn nodi gyda braw adroddiad diweddar gan Gyngorwyr Diwydiant Asphalt sy'n honni bod gan bron i un rhan o bump o'r ffyrdd a reolir gan gynghorau lleol yng Nghymru a Lloegr ddisgwyliad oes o lai na phum mlynedd, a bydd angen eu tynnu, eu hatgyweirio a'u hailwynebu.

Mae'r cyngor hwn felly yn galw ar:

- Llywodraeth y DU i ddechrau cynllunio nawr sut i ddyrannu o leiaf £14b yn ei chyllideb nesaf fel mesur brys i alluogi cynghorau lleol i fynd i'r afael â'r dirywiad difrifol hwn yn ein seilwaith, yn enwedig mewn ardaloedd gwledig, cyn y gaeaf nesaf;
- Llywodraeth Cymru i sicrhau bod yr holl gyllid a ddyrannwyd tuag at y pennawd hwn drwy fformiwla Barnett yn cael ei drosglwyddo i gynghorau sir, ac i ddargyfeirio peth o'r arian a arbedwyd drwy gael gwared ar gynlluniau ffyrdd newydd yng Nghymru yn ddiweddar i'r cynghorau i'w galluogi i gynyddu'r gwaith o atgyweirio ffyrdd presennol nad ydynt yn gefnffyrdd".

Eiliwyd y cynnig.

Rhoddyd cyfle i gynigwyr ac eilydd y Cynnig siarad o blaid y Cynnig a bu iddynt amlinellu'r rhesymau dros ei gyflwyno, fel y'u nodwyd yn y Cynnig.

Gwnaed nifer o ddatganiadau yn mynegi cefnogaeth i'r Cynnig.

PENDERFYNWYD YN UNFRYDOL fod y Rhybudd o Gynnig yn cael ei gefnogi.

10. CWESTIYNAU GAN Y CYHOEDD.

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

10.1. CWESTIWN GAN CHARLIE EVANS I'R CYNGHORYDD EDWARD THOMAS - YR AELOD CABINET DROS WASANAETHAU TRAFNIDIAETH, GWASTRAFF A SEILWAITH.

(NODER: Roedd y Cynghorydd S. Davies wedi datgan buddiant yn yr eitem hon yn gynharach a pharhaodd yn y cyfarfod tra oedd yr eitem yn cael ei thrafod)

"Mae Llywodraeth Lafur Cymru wedi cyhoeddi ei bod yn dod â'r Cynllun Argyfwng Bysiau i ben ar 24 Gorffennaf.

Mae corff y diwydiant, Coach and Bus Operators Cymru, sy'n cynrychioli cwmnïau bach, wedi mynegi pryderon yn y gorffennol y byddai 65% i 100% o'r gwasanaethau'n cael eu torri.

Byddai hyn yn cael effaith ddinistriol ar ein cymunedau, gan olygu na fyddai ein trigolion mwyaf agored i niwed yn gallu defnyddio canol ein trefi a'n pentrefi mor rhwydd ac na fyddai gweithwyr yn gallu cyrraedd y gwaith mor rhwydd, a byddai'n cynyddu traffig ceir a thagfeydd yn ein cymunedau. Ymddengys fod hyn yn hollol groes i strategaethau net sero a thrafnidiaeth gyhoeddus Cytundeb Cydweithio Llafur a Phlaid Cymru.

Pa waith cynllunio - ariannol, gweithredol a logistaidd - y mae Cyngor Sir Caerfyrddin yn ei wneud i sicrhau bod gennym yr un lefel o wasanaethau bysiau ledled Sir Gaerfyrddin ar ôl 24 Gorffennaf".

Ymateb gan y Cynghorydd Edward Thomas, yr Aelod Cabinet dros Wasanaethau Trafnidiaeth, Gwastraff a Seilwaith:-

Mae eich cwestiwn yn codi nifer o bwyntiau y byddaf yn ymateb iddynt yn eu trefn os yw hynny'n iawn gyda chi.

Ydy, mae Llywodraeth Lafur Cymru wedi cyhoeddi ei bod yn dod â'r Cynllun Argyfwng Bysiau i ben ar 24 Gorffennaf. Fodd bynnag, ddydd Gwener diwethaf, a dim ond dydd Gwener diwethaf, cyhoeddwyd bod Llywodraeth Cymru yn sicrhau bod £46m ar gael ar ffurf Cronfa Bontio ar gyfer Bysiau ar gyfer y flwyddyn ariannol gyfan. Bydd y cyllid hwn yn cadw gwasanaethau strategol Traws Cymru i redeg. Ond, mae hefyd yn siomedig iawn i ni weld bod y Dirprwy Weinidog wedi parhau gyda'i gynlluniau i ddod â'r Cynllun Argyfwng Bysiau i ben er gwaethaf cefnogaeth drawsbleidiol yn gwrthwynebu'r toriadau ond, rydym yn croesawu bod modd ymestyn y cymorth am y flwyddyn bresennol.

Yn y Siambr hon ychydig wythnosau'n unig yn ôl roedd cytundeb ar draws y Siambr yn gwrthwynebu unrhyw ostyngiad i gyllid ar gyfer gwasanaethau. Mae'r cyngor hwn wedi bod yn bendant ac yn gyson ei farn yn gwrthwynebu'r toriadau i'r Cynllun Argyfwng Bysiau ac mae hyn wedi cael ei godi gennyf i ac Arweinydd y Cyngor drwy Gymdeithas Llywodraeth Leol Cymru a Chyd-bwyllgor Corfforedig De-orllewin Cymru.

Mae'n rhaid i mi ddweud nid wyf yn deall y cynllun sydd gan y Dirprwy Weinidog - ar un llaw mae'n ymddangos ei fod am ein hannog allan o'n ceir ac i drafnidiaeth gyhoeddus ond nid yw'n ymddangos ei fod eisiau gormod o drafnidiaeth gyhoeddus chwaith. Fodd bynnag, fel y dywedais, nid ydym yn hapus gyda'r toriadau, ond rydym yn deall na fydd y gostyngiadau mewn gwasanaethau ledled

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

Sir Gaerfyrddin yn agos at y 65%-100% a ddyfynnwyd gennych yn eich cwestiwn. Fel yr wyf yn ei ddeall ar hyn o bryd, byddwn ond yn colli nifer fach o wasanaethau, ond mae'r trafodaethau hyn yn parhau yn rhanbarthol.

Rwy'n cytuno â'ch pwynt chi, ynglŷn â cholli Trafnidiaeth Gyhoeddus "gan olygu na fyddai ein trigolion mwyaf agored i niwed yn gallu defnyddio canol ein trefi a'n pentrefi mor rhwydd ac na fyddai gweithwyr yn gallu cyrraedd y gwaith mor rhwydd, a byddai'n cynyddu traffig ceir a thagfeydd yn ein cymunedau." Mae angen i ni sicrhau bod gan ein trigolion fynediad at drafnidiaeth gyhoeddus a, gyda'r argyfwng costau byw presennol, mae'r car yn prysur ddod yn foethusrwydd na all rhai ei fforddio. Byddwn yn parhau i ymgysylltu â Llywodraeth Cymru i sicrhau nad yw hyn yn digwydd.

Rydych chi'n sôn bod hyn yn hollol groes i Gytundeb Cydweithredu Llafur a Phlaid Cymru ond, wrth gwrs, nid yw cymorthdaliadau bysiau yn rhan o'r Cytundeb cydweithredu hwnnw. Yr hyn y mae'r Cytundeb Cydweithredu yn ei nodi yw'r angen i ddatblygu systemau metro mewn rhannau o Gymru a'r angen i symud tuag at fod yn Garbon Sero Net.

Caniatewch i mi am eiliad ystyried eich cyfeiriad at 'wrthgyferbyniad llwyr', mae cyferbyniad amlwg iawn rhwng chwe biliwn o bunnoedd a dim punnoedd o gwbl. Byddai cyllid canlyniadol digonol yn datrys y sefyllfa hon. Rwy'n cyfeirio, wrth gwrs at HS2, sy'n cael ei ystyried yn brosiect 'Cymru a Lloegr gan y Llywodraeth Geidwadol' - er nad yw'n croesi'r ffin i Gymru, felly sut y gall hwn fod yn Brosiect Cymru a Lloegr. Mae cyllid canlyniadol wedi'i ddarparu yn yr Alban a Gogledd Iwerddon, a dylai ddarparu cyllid o £6bn o dan Fformiwla Barnett yn ôl cyfrifiadau Llywodraeth Cymru. Ond, mae'r Llywodraeth Dorïaidd yn parhau i ystyried y llwybr drwy Loegr fel gwasanaeth i Gymru - alla i ddim deall hynny. Rwy'n credu bod angen i ni edrych ar y map. Fel y gallwch werthfawrogi byddai chwe biliwn o bunnoedd yn ein galluogi i wneud cymaint o ran datblygu trafnidiaeth gyhoeddus yn Ne-orllewin Cymru ac yn Sir Gaerfyrddin ac, rwy'n siŵr y byddwch yn cytuno â mi fod gan y Llywodraeth Dorïaidd yn Llundain y modd i wneud yn iawn am hyn.

O ran yr hyn yr ydym yn ei wneud, wel dylanwadir hynny gan y cyhoeddiad a wnaed gan y Dirprwy Weinidog yr wythnos diwethaf ac mae'n ymddangos ar lefel sirol, fel y soniais yn gynharach, efallai na fyddwn yn gweld y toriadau i wasanaethau a ragfynegwyd gennym yn wreiddiol. Fodd bynnag, mae pob plaid yn cydnabod rôl trafnidiaeth gyhoeddus wrth alluogi mynediad at wasanaethau ac maent yn gweithio gyda'i gilydd i:

1. Archwilio goblygiadau gostyngiad cenedlaethol mewn cymorth cyllido,
2. Gweithio ar gynlluniau rhwydwaith y bydd gostyngiad yn y cyllid yn ei achosi,
3. Cyflwyno achos dros gymorth pellach wrth i'r sector barhau â'r broses araf o adfer yn dilyn y pandemig a phwysau economaidd ehangach eraill.

Mae wedi bod yn broses anodd. Does neb eisiau gweld gostyngiad mewn gwasanaethau i gymunedau, yn enwedig y rhai sy'n agored i niwed. Mae gwaith yn mynd rhagddo ar lefel ranbarthol a chenedlaethol. Fodd bynnag, rwy'n falch o ddweud, oherwydd ymdrechion y Cyngor Sir ac awdurdodau lleol eraill, drwy Gymdeithas Llywodraeth Leol Cymru, cafwyd safbwynt gweithio ar y cyd lle bydd

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

cyllid yn cael ei ddarparu i'r sectorau i leihau'r risg i wasanaethau sy'n gweithredu ar hyn o bryd hyd at ddiwedd y flwyddyn.

Mae gwaith pellach yn parhau, wrth i bawb ystyried cyhoeddiad y Dirprwy Weinidog ddydd Gwener diwethaf. Mae'n amlwg bod angen i Lywodraeth Cymru amlinellu ateb ariannu hirdymor ar gyfer gwasanaethau bysiau yng Nghymru ac mae angen datblygu gweledigaeth glir ar gyfer trafndiaeth rheilffordd, bysiau a thrafnidiaeth gymunedol yn Ne-orllewin Cymru. Fel y soniais yn gynharach, mae gwir angen i Lywodraeth Geidwadol y DU gamu i'r adwy a darparu dyraniad teg o adnoddau i bobl Cymru a Sir Gaerfyrddin i gyflawni'r weledigaeth honno.

Cwestiwn atodol gan Mr. Evans:-

Mae trigolion Llangynnwr a Nantycaws yn bryderus iawn y bydd gwasanaethau bws yn cael eu cwatogi ymhén pum wythnos yn unig. Felly, pryd bydd y cyhoedd yn cael gwybod gan Gyngor Sir Gaerfyrddin pa wasanaethau fydd yn cael eu torri ar ôl 24 Gorffennaf.

Ymateb gan y Cyngorydd Edward Thomas, yr Aelod Cabinet dros Wasanaethau Trafnidiaeth, Gwastraff a Seilwaith:-

Diolch i Mr Evans am y cwestiwn atodol hwnnw. Yn amlwg, bydd angen i mi gael wybod mwy am y gwasanaethau ar gyfer Llangynnwr ac, fel y dywedais, rydym yn gweithio ar draws y rhanbarth ar effeithiau'r cyhoeddiad hwn a ddaeth i law dim ond dydd Gwener diwethaf. Felly, rydym yn gweithio gyda'n gilydd.

11. CWESTIYNAU GAN AELODAU (NID OEDD DIM WEDI DOD I LAW)

Dywedodd y Cadeirydd nad oedd dim cwestiynau wedi dod i law gan yr Aelodau.

12. COFNODION ER GWYBODAETH YN UNIG:-

Dywedodd y Cadeirydd fod y cofnodion a amlinellir ar agenda 12.1 – 12.6 ar gael i'w gweld ar wefan y Cyngor.

CHAIR

DATE

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf